



Minat main boling tercetus sejak berusia 8 tahun



FOKUS untuk menentukan sasaran sebelum membaling bola boling.



Fatin Farhana Japre  
gen.y@hmetro.com.my

daripada tiga beradik ini, minatnya menerusi sukan boling ini tercetus sejak berusia lapan tahun apabila sering mengikut bapa saudaranya bermain boling pada hujung minggu.

"Mulanya saya bermain sekadar suka-suka tetapi pada usia 12 tahun komited menjalani latihan untuk beraksi di Majlis Sukan Sekolah Malaysia (MSSM) Perak mewakili Wilayah Persekutuan, Kuala Lumpur.

"Secara ijurnya, bukan mudah menguasai tekniknya menyebabkan ibu bapa saya mengambil khidmat jurulatih peribadi untuk mengajar teknik yang betul."

"Kira-kira setahun, saya sudah mahir menguasai teknik balingan dengan menjatuhkan semua pin dan lebih berkeyakinan menyertai banyak pertandingan boling," katanya yang menjadikan ratu boling negara Shalin Zulkifli sebagai idola.

Radin Nur Najwa Arifah berkata, bakatnya mula menyerlah apabila berjaya

Menurut anak bongsu



melakar kejayaan di SUKMA Melaka 2010 dengan membawa pulang dua pingat emas bagi kategori individu dan berpasukan.

"Bukan hanya membawa pulang pingat emas malah saya berjaya mencipta rekod individu dengan jumlah jatuhan pin sebanyak 1499 untuk enam game. Sehingga kini, belum ada lagi atlet yang mengatasi rekod saya ini."

"Selepas kejayaan terabit, saya ditawarkan biasiswa sukan dari Kementerian Pendidikan Tinggi (KPT) dan dipilih menjadi pelapis kebangsaan di bawah Majlis Sukan Negara (MSN).

"Semangat saya semakin berkobar-kobar untuk melakar

nama sebagai pemain boling profesional apabila diberi keperluan beraksi di peringkat antarabangsa seperti kejohanan boling di Singapura, Filipina dan Hong Kong.

"Walaupun bukan semua kejohanan saya berjaya meraih pingat emas tetapi pengalaman itu dijadikan sandaran berharga untuk menggilap bakat yang terpendam," kata penuntut jurusan ijazah Sarjana Muda Pentadbiran Perniagaan Universiti Putra Malaysia (UPM) Serdang ini.

Meskipun terpaksa membahagikan masa antara pengajian dan sukan, dia tidak pernah mengeluh kerana minat yang sangat mendalam terhadap

sukan boling ini. "Bagi orang lain rutin harian ini agak memerlukan sebab bila habis kuliah saya akan ke Bukit Jalil bagi latihan stamina di gimnasium manakala waktu petang pula menjalani latihan di Sunway Mega Lanes selama dua jam.

"Namun begitu, saya sudah terbiasa dan apa yang penting tahu ke mana hala tuju hidup menerusi sukan ini."

"Kini saya sedang mempersiapkan diri dan komited dengan latihan untuk melayakkan dipilih mewakili negara ke Sukan Asia di Indonesia pada tahun hadapan," katanya yang dilatih oleh Holloway Cheah.

## LIMA FAKTA MENARIK SUKAN BOLING

- Guiness World Records yang popular dengan rekod mengenai pencapaian menarik dari seluruh dunia, mencatatkan Jepun sebagai negara yang menempatkan laluan boling terbanyak di dunia iaitu 116 laluan di Inazawa Grand Bowling Centre.

- Menurut arkib dari Muzium Boling Antarabangsa, seorang antropologi British menemui penemuan menakjubkan mengenai sejarah asal-usul permainan boling pada 1930 di

Mesir. Bukti itu menunjukkan permainan boling sudah lama wujud dan dijangka seawal 3,200 Sebelum Masihi.

- Kasut yang digunakan untuk bermain boling biasanya hadir dalam saiz 6.5 hingga 15 untuk lelaki dan dalam saiz 5-11 bagi wanita. Menariknya, bola boling juga boleh mencapai berat antara enam hingga 16 paun.

- Sukan boling membuat kemunculan pertamanya di televisyen pada 1950.

- Pemain boling tempatan, Shalin Zulkifli pernah memenangi pelbagai anugerah sepanjang kariernya dan paling menarik apabila merangkul gelaran pemain boling profesional nombor satu di Malaysia dan Asia dalam kategori 10 pin boling.

